

嘉慶山陰縣志

第一冊

~~23357~~
~~352~~

地302.121
35.3
=1~7

嘉慶山陰
縣志

元冲題



中華民國二十五年十一月

紹興縣修志委員會校刊

嘉慶八年山陰修志名籍

掌修

山陰縣知縣徐元梅河南羅山人己酉進士

編輯

刑部奏准迴避候補員外郎朱文翰安徽歙縣人庚戌進士

預修

山陰縣教諭陳石麟海鹽縣人癸卯舉人

署山陰縣訓導高惟嶽臨安縣人己酉舉人

分編

舉人史上善會稽縣人

舉人陸文籀本縣人

議敘訓導前署常山教諭廩貢生金注會稽縣人

優貢生候選訓導顧廷綸會稽縣人

廩貢生候選訓導胡文照上虞縣人

嘉慶山陰縣志名籍

一

領局

原任四川嘉定府知府謝肇洙本縣人進士

原任江西南昌府同知徐聯奎本縣人進士

誥封朝議大夫雲南大理府知府史廷桂本縣人增貢生

原任安徽徽州府通判沈詩李本縣人進士

原任山東邱縣知縣詹國瑞本縣人舉人

原任江西南康縣知縣鍾奎炎本縣人舉人

原任河南輝縣知縣裘冠一本縣人

原任江南甘泉縣知縣陳太初本縣人


勅封儒林郎江南上海縣知縣周鈐本縣人廩貢生

例封文林郎山東候補知縣汪源宗本縣人

候選知縣平璐本縣人

分發直隸候補知縣劉雲本縣人

收掌



廩貢生候選訓導湯家邦鄞縣人

舉人史致焜本縣人

校文

廩貢生候選訓導周逢吉本縣人

廩生王文潮本縣人

增生余重光本縣人

附生王萬嵩會稽人

附生張晟本縣人

附生鍾繡本縣人

附生王鳳詔本縣人

職員章泰本縣人

繪圖

武生章楚南本縣人

嘉慶山陰縣志目錄

卷首

皇言

卷一

土地志第一之一

沿革

卷二

土地志第一之二

至到廣袤形勢

卷三

土地志第一之三

山

卷四

土地志第一之四

嘉慶山陰縣志

目錄

水

卷五

土地志第一之五

城廨橋道關津之屬

卷六

土地志第一之六

坊鄉市鎮驛鋪之屬

卷七

土地志第一之七

古跡

卷八

土地志第一之八

土產

卷九

以上二冊

人民志第二之一

職官

卷十

人民志第二之二

選舉附仕籍

卷十一

人民志第二之三

戶口風俗

卷十二

人民志第二之四

名宦

以上二冊

卷十三

人民志第二之五

鄉賢一

嘉慶山陰縣志

目錄

二

卷十四

人民志第二之六

鄉賢二

以上三冊

卷十五

人民志第二之七

鄉賢三

卷十六

人民志第二之八

鄉賢

四附
寓賢

以上四冊

卷十七

人民志第二之九

列女

卷十八

人民志第二之十

術藝釋老

以上五册

卷十九

政事志第三之一

學校

卷二十

政事志第三之二

水利

卷二十一

政事志第三之三

壇廟

卷二十二

政事志第三之四

武備

以上六册

卷二十三

嘉慶山陰縣志

目錄

三

政事志第三之五

田賦

卷二十四

政事志第三之六

寺觀冢墓

卷二十五

政事志第三之七

襪祥

卷二十六

政事志第三之八

書籍

卷二十七

政事志第三之九

碑刻

以上七册

卷二十八

政事志第三之十

藝文

卷二十九

政事志第三之十一

前志

卷三十

政事志第三之十二

總敘

以上八冊

山陰縣志卷首

臣元梅謹案書始帝典春秋首王正所以大一統示無外也浙東猶古南荒距畿甸殊遠仰勞列聖鑾輅頻臨鴻藻睿謨聿昭巍煥匪惟疆吏之榮允足爲輿圖增重茲重輯山陰邑乘依次恭錄皇言一卷以爲全編冠冕焉

聖祖仁皇帝御製

山陰

灌木叢篁傍水幽淡烟晴日漾芳洲蘭橈搖過山陰道在昔人傳鏡裏游

謁大禹陵

古廟青山下登臨曉靄中梅梁存舊蹟金簡紀神功九載隨刊力千年統緒崇茲來薦藻藻瞻

對率羣工

登臥龍山越望亭

周覽山川歷井疆越峯突兀見青蒼爭流萬壑通城郭一一看來在下方

禹陵頌

朕閱視河淮省方浙地會稽在望爰渡錢塘展拜大禹廟瞻眺久之勅有司歲加修葺春秋蒞

嘉慶山陰縣志

卷首 皇言

裸粢盛牲醴必豐必虔以志崇報之意時康熙二十八年二月十五日也緬維大禹接二帝之心傳開三代之治運昏墊既平教稼明倫由是而起其有功於後世不淺豈特當時利賴哉朕自御宇以來軫懷饑渴留意河防講求疏濬漸見底績周行川澤益仰前徽爰作頌曰

下民其咨聖人乃生危微精一允執相承克勤克儉不伐不矜隨山刊木地平天成九州始辨萬世永寧六府三事政教修明會稽鉅鎮五嶽嬾靈茲惟其藏陵谷式經百神守護松柏鬱貞仰止高山時切景行

御題禹廟匾聯

地平天成

江淮河漢思明德

精一危微見道心

康熙二十八年二月十一日欽奉上諭朕稽古省方咨求治理閱視河道期底平成凡有利於民生必令霑夫實惠行次浙省禹陵在望念大禹功德隆盛萬世永賴應行親詣以展企慕之忱其致祭典禮所司卽察例舉行政治所先在崇文教江南浙江爲人文萃集之地入學額數應酌量加增永昭宏獎該督撫詳議奏請江甯鎮江杭州駐防滿洲漢軍兵丁鎮守要地久歷

歲時深用軫念應作何恩資以彰優恤著該部議奏自南巡以來所經過地方官員除八法處分及列款糾劾外凡因公掛誤降級留任者俱准開復降級調用者著帶所降之級留任其經過地方現在監禁人犯除十惡及詔款所不赦等罪並官員犯賊不宥外其餘自康熙二十八年二月十一日以前死罪及軍流徒罪以下已結未結俱著寬釋以示朕赦過宥罪之意備辦船隻地方各官効力効勞者著該督撫會同奉差官員確查具題各加一級繹夫供役勞苦亦著該督撫察明人數量給恩賞朕廩念民依特蠲租賦總期實德潤澤蒼生近見民間有建立碑亭稱頌德意者雖出羣黎愛戴之誠但恐各郡皆然未免致損民力誠使閭閻殷阜則裨益良多碑亭何與焉嗣後亦宜停止江浙錢糧既經蠲豁猶慮有不肖有司借端詞訟朕削民生著該督撫嚴行禁飭至各處權關原有則例朕舟所至諮訪過關商民每不難於輸納額稅而以稽留關次不能速過爲苦權關官員理宜遵奉屢頒諭旨恤商惠民豈可反貽商民之累自今應力除積弊凡商民抵關交納正稅卽與放行毋得稽留苛勒以致苦累違者定行從重處分朕早夜孜孜惟冀官吏軍民士農商賈無一人不獲其所故於民生吏治圖維區畫務極周詳爾等可卽傳諭俾一體奉行稱朕意焉特諭

是日又奉上諭禮部祭以敬爲主禹陵僻處荒村恐致褻慢凡供獻齋盛禮儀諸事令左都御史馬齊與侍郎席爾達同往省視欽此

嘉慶山陰縣志

卷首 皇言

二

史馬齊與侍郎席爾達同往省視欽此

康熙二十八年二月十六日欽奉上諭朕巡行江表緬懷禹德躬率羣臣展祭陵廟顧瞻殿廡圯傾禮器缺略人役寥寥荒涼增嘆愚民風俗崇祀淫祠俎豆馨香奔走恐後宜祀之神反多輕忽朕甚慨焉在昔帝王陵寢理應隆重培護况大禹道貫百王身勞疏鑿奠寧率土至今猶賴豈可因循特書地平天成四字懸之宇下著地方官卽加修理畢備儀物守祠人役亦宜增添俾規模宏整歲時嚴肅兼賜銀二百兩給與守祠之人此後益令敬慎地方官亦須時爲留心以副朕尊崇遐慕之懷其卽遵諭行特諭

康熙三十五年御書大字晉王羲之蘭亭敘

康熙三十七年御書蘭亭二字

康熙四十一年十一月工部議覆浙江巡撫趙申喬題請修葺禹陵應令捐修一疏

上曰凡古帝王陵寢地方官應不時修葺今禹陵必頽壞已極趙申喬始行題請著杭州織造會同地方官動用歷年節省錢糧卽行修理以稱朕尊崇前代聖王之意欽此

康熙四十二年御題南鎮廟匾

秀帶巖壑

高宗純皇帝御製

蕭山道中作

溪窄綠塍闊水肥烏榜輕開篷畫瓦舊挂席剪澄明南國春方麗越天雲復晴山陰指明日已
是鏡中行

錢清鎮

循吏當年齊國劉大錢留一話千秋而今若問親民者定道一錢不敢留

題柯亭

陳留精博物椽竹得奇遭昔已思邊讓今兼傳伏滔琴同識焦爨劍比出洪濤漢史無能續千
秋恨董逃

謁大禹廟恭依皇祖元韻

展謁來巡際憑依對越中傳心真貫道底績莫衡功勤儉鴻稱永儀型聖度崇深惟作民牧益
凜亮天工

禹廟覽古

得蒞稽山峻言瞻禹廟崇碑文擬衡嶽井穴達龍宮問訊傳工部棲遲遇義公鏘於尋豈在空

嘉慶山陰縣志

卷首 皇言

三

柱恨難窮帆石終隣誕梁梅久付空惟應敷土跡天地並鴻功

舟泛山陰溪路

棹入烟花浦山迎綵鷁舟桃霞烘日重柳線曳風柔應接真無暇晴明適與謀若耶知不遠且
遲命清游

蘭亭卽事

向慕山陰鏡裏行清游得勝愜平生風華自昔稱佳地觴詠於今紀勝名竹重春烟偏澹蕩花
遲禊日尙翦榮臨池留得龍跳法聚訟千秋不易評

蘭亭恭詠皇祖撫帖御筆

眞贗操戈互詆攻聖多能以不同同右軍設使瞻仙藻定早傾心拜下風
蘭亭雜詠

竹逕延緣勝賞探流觴曲水淥波涵何妨修禊日過五且喜行春月正三
卽景還思晉永和崇山眞見綠嵯峨斯人不祇清談輩誓墓高風有足多
絲竹雖無琴筑環逸情眞可傲東山中郎若復相衡量賸有蘭亭在世間
眞蹟當年付老僧賺來蕭翼許多能若方吐哺周公旦房相掄賢未足稱

舟行雜興三十首 用上下平韻 恭錄 蘭亭若耶二首

入畫樓臺烟雨寒 山陰一棹鏡中看 蘭亭逸少風流在 信可東山傲謝安
若耶只隔一溪灣 好似天風吹引還 寄我閒心與明月 他年證取水雲間

茅山正譌

壬午春巡將發金陵道句容徵三茅之勝而邑誌率撫吳越春秋禹改茅山曰會稽爲茲山數
典所自是援越入吳疆域案而世代淆予不可以不辨案史記注引越傳禹到大越上苗山苗
與茅古字通而小異其爲屬越則均水經注浙江條云會稽古防山亦謂之茅山別傳稱防者
蓋以防風後至故而浙江卽浙江其山隸今紹興境明甚若句容之茅山本名句曲亦名已山
自後漢茅盈兄弟學仙於此三茅之名始著距吳越時既遠與紹興又絕不相蒙輯志無識者
沿名竄附牽連爲一謂會稽同出異名若良常秦望海江仙非之屬二十有六實爲一山且注
出吳越春秋今覈全書初無是語况自紹興至句容道踰千里中隔一江三茅卽號地肺安能
呼吸一氣若此使其言然則方內纍纍宮霍蜀繹者疇不當名之曰崑崙岱宗乎再考江甯郡
志良常秦望仙非諸山並與句曲壤接道里可數更於紹興無涉卽以所引秦望言紹興句容
皆有要各自爲一山未可強而合之獨於茅山乎何疑或曰會稽爲古揚州鎮山後漢移會稽

嘉慶山陰縣志

卷首 皇言

四

郡治越秦初置時本治吳焉知會稽始名之茅山不可通於句曲後著之茅山也予得仍以吳
越春秋正之其書凡六卷前吳傳三後越傳三茅山之改名會稽入越外傳不入吳內傳當時
方隅所限詎不較然風馬牛哉用覲縷析之以俟後之訂山經者

閱海塘記

隆古以來治水者必應以神禹爲準神禹乘四載隨山濬川其大者導河導江胥入於海禹之
蹟至於會稽會稽者卽今浙海之區所謂南北互爲坍漲遷徙靡常地神禹親歷其間何以未
治豈古今異勢爾時可以不治治之乎抑海之爲物最巨不可與江河同人力有所難施乎河
之患旣以隄防海之患亦以塘壩然旣有之莫能已之已之而其患更烈仁人君子所弗忍爲
也故每補偏救弊亦云盡人事而已施隄防於河已難而况措塘壩於海乎海之有塘壩李唐
以前不可考可考者蓋自太宗貞觀間始歷宋元明屢修而屢壞南岸紹興有山爲之禦故其
患常輕北岸海寧無山爲之禦故其患常重乾隆乙丑以後丁丑以前海趨中壘浙人所謂最
吉而最難獲者辛未丁丑兩度臨觀爲之慶幸而不敢必其久如是也無何而戊寅之秋雷山
北首有漲沙痕已卯之春遂全趨北大壘而北岸護沙以漸被刷是柴塘石塘之保護於斯時
爲刻不可緩者易柴以石費雖巨而經久去害爲民者所弗惜也然有云柴塘之下皆活沙不

能易石者有云移內數十丈則可施工者督撫以斯事體大不敢定議夫朕之巡方問俗非爲展義制宜措斯民於衽席之安乎數郡民生休戚之關孰有大於此者可以沮洳海濱地險辭而不爲之悉心相度以期乂安吾赤子乎故於至杭之翼日卽減從趨程策馬隄上一履視測度然後深悉夫柴塘之下不可施工以其實係活沙椿櫛弗牢訖不可以擎石也柴塘之內可施工而倉卒不可爲以其拆人廬墓桑麻墳坑塹未受害而先驚吾民也卽曰成大利者不顧小害然使石塘成而廢柴塘是棄石塘以外之人矣如仍保柴塘則徒費帑項爲此無益而有害之舉滋弗當也於是定議修柴塘增坦水加柴價一經指示而海塘大端已具守土之臣有所遵循卽隨時入告亦以成竹素具便於進止也議者或曰所損者少而全者衆柴固不如石堅何爲是姑息之論然吾聞古人云井田善政行於亂之後是求治行於治之時是求亂吾將以是爲折中而不肯冒昧以舉者此也踏勘尖山之日守塘者以漲沙聞後數日沙漲又增命御前大臣誌石簍以驗之果然斯誠海神之佑耶但丁丑以前已趨中壘者尙不可保而況今數尺之漲沙乎然此誠轉旋之機是吾所以默識靈貺益厲敬天勤民之心也是吾所以望神禹而恍然以懼慚無奠定之良策也至海甯日卽虔謁海神廟皇考御製文在焉因書此記於碑陰以識吾閱塘咨度者如是固不敢以己見爲必當也

御題禹廟匾聯

成功永賴

績奠九州垂萬世

統承二帝首三王

御題南鎮廟匾

表甸南疆

御賜明臣王守仁祠匾

名世真才


謹案守仁本山陰人遷居餘姚後仍還本籍其故居在山陰東光坊謝公橋之後祠亦在焉茲恭載御賜題額並附紀如右

乾隆元年上諭朕聞浙江紹興府屬山陰會稽蕭山餘姚上虞五縣有沿江沿海隄岸工程向係附近里民案照田畝派費修築而地棍衙役於中包攬分肥用少分多甚爲民累嗣經督臣李衛檄行府縣定議每畝捐錢二文至五文不等合計共捐錢二千九百六十餘千計直銀三千餘兩民累較前減輕而胥吏等仍不免有借端苛索之事朕以愛養百姓爲心欲使閭閻毫

無料擾著將案畝派錢之例卽行停止其堤岸工程遇有應修段落著地方大員委員確估於存公項內動支銀兩興修報部核銷永著爲例特諭

乾隆十六年三月初十日內閣奉上諭朕時巡至杭州禹陵在望緬維平成之德萬世永賴皇祖聖祖仁皇帝曾親祀焉爰東渡浙江陟會稽式遵皇祖舊典躬薦馨於宇下厥有妣氏子姓世居陵側應世予八品官奉祀該督撫擇其有品行者一人充之昭崇德報功至意欽此

右恭錄皇言



嘉慶山陰縣志卷一

土地志第一之一

粵稽古大禹功始敷土訖於地平周人以地命官其屬則有土訓土訓所掌則曰地圖地事地
慝地物地求又皆以地命之最爲申重諄復嗣是書契之文土地並舉而班固著西京地志必
推本於禹貢周官非迂遠也今之長百里者莫非命於天子守有土地之臣準古驗今首重沿
革惟是志沿革者或僅舉其名而無從確指其境或斤斤斷自秦始其未郡縣以前多置不論
良以蕞爾一邑求之荆揚吳楚之中周秦夏商而上茫乎藐焉曷由深考乃觀於山陰則不然
蓋山陰者以山表邑者也則第名其山卽確然示以山陰之所在並未始名邑以前之地之所
在大哉斯邑乎後漢續郡國志注云句踐小城山陰是也前此漢書地理志注則云會稽山在
南上有禹冢禹井然則論山陰區域方且遠而上之以溯乎文命之代是不知句踐無論嬴氏
古哉斯縣乎凡戾止斯土者精爲玄覽穆然有遐思焉將欲勒爲一書附諸古人載籍之末沿
革明而後麗乎其土地者可次第舉也

歷代

統部

州郡

縣

唐

荒服

嘉慶山陰縣志

卷一 沿革

虞

揚州

始以會稽名山

夏

揚州

封庶子無餘始號於越

帝少康

揚州

商

因夏制

周

揚州

越景王八年伐吳始見春秋

秦

會稽郡始皇二十五年

山陰縣始皇三十七年

漢

會稽郡治吳

山陰縣

武帝元封五年

揚州凡十三部

會稽郡

山陰縣

東漢順帝永建四年

揚州

會稽郡分浙以東爲郡

山陰縣治

順帝永和末年

揚州

會稽郡置東部都尉

山陰縣

吳

揚州

會稽郡

山陰縣

晉武帝太康元年

揚州凡十九州

會稽郡

山陰縣

二年

揚州

會稽國封孫秀

山陰縣

惠帝永寧元年

揚州

會稽郡

山陰縣

明帝太寧二年	揚州	會稽國	徙封琅邪王	山陰縣
宋武帝永初元年	揚州	會稽郡		山陰縣
文帝元嘉三十年	會州分置	會稽郡		山陰縣
孝武帝孝建初	東揚州 州大明三年還爲東揚州	會稽郡		山陰縣
廢帝永光元年	揚州	會稽郡		山陰縣
齊	揚州	會稽郡		山陰縣
梁武帝普通五年	東揚州	會稽郡		山陰縣
陳武帝永定三年	揚州 州文帝時復置東揚州	越州		山陰縣
隋文帝開皇九年	吳州總管府 凡十州	吳州		縣廢
隋煬大業元年		越州 三年仍改郡		
唐高祖武德四年	越州總管府	越州		山陰縣 析會稽置
七年	越州都督府	越州		廢縣并入會稽
八年		越州		
嘉慶山陰縣志				
卷一 沿革				
二				
太宗貞觀元年	江南道 凡十道	越州		
中宗垂拱二年	江南道	越州		山陰縣 析會稽置武后省尋復置
玄宗開元二十一年	江南東道 凡十道	越州		山陰縣
二十六年	江南東道	會稽郡		山陰縣
肅宗至德二載	浙東道	會稽郡		山陰縣
乾元元年	浙東道	越州		山陰縣
代宗大曆二年	浙東道	越州		縣省七年復置
十四年	兩浙道	越州		山陰縣
德宗建中元年	浙東道 二年改兩浙道	越州		山陰縣
貞元元年	浙東道	越州		山陰縣
憲宗元和七年	浙東道	越州		縣省十年復置爲州治
僖宗中和三年	浙東道	義勝軍 升		山陰縣
光啓三年	浙東道	威勝軍 改		山陰縣
昭宗乾寧三年	浙東道	鎮東軍 改		山陰縣